

VICENNA TEATRALI DI LU TEATRU SOCIALI. Parti Secunna
di peppecaruso

Scrissi ju 'na vota la vicenna di lu Teatru Sociali,
sperannu ca fussi già 'mminenti l'apertura.
Si dici sì, ma cuminati siemmu propriu mali:
'na vota ca l'aviemmu, nun la usammu sta struttura!

Organizzammu festi, riunioni e conferenzi,
ora a Palazzustiddra, a l'Odeonni o chiazza chiazza,
ma pi lu Teatru nun ci sunnu preferenzi,
e, accussi faciennu, la "Cultura" 'n-terra stramazza!

"Si stannu attrezzannu a gràpilu, pagati su' li spisi!"
N'alluzzaru cu la vinuta di lu Presidenti,
ma a chiddu, cu sti velini, lu tirrimotu e cu la crisi,
mi pari ca di Caniattì nun c'interessa propriu nenti!

Orama' havi tiempu ca lu Comuni l'azzizzà:
secunnu li prummisi..., siemmu ancora assa' luntanu.
A vidilu di fora mi pari bellu assà,
ma di la parti d'intra cu lu svela chist'arcanu?

Canicattì, li 27 Giugno 2009